



Inatsisartuni ilaasortaq, Aqqaluaq B. Egede, Inuit Ataqtigiit
-/Maani

§ 37 naapertorlugu apeqquut nr. 55 2015-imut akissuteqaat

Asasara Aqqaluaq B. Egede

Mittarfinnik sanaartornissaq pillugu apeqquutinnut qujanarsuaq.

Mittarfinnut attaveqaatit qanoq ataqtigiissakkamik aqqjissuussaassanersut pillugu akissutinik ajornaatsunik paatsuugassaangitsunillu soqanngilaq, kisiannili attaveqaatit ataqtigiissutut, nunatsinnik tamarmiusumik ataqtigiissitsilluarnersutut isigineqarnissaat naalakkersuisooqtigiit anguniagaraat. Tamatumunnga atatillugu assartuussinermi aqqjissutit ilivitsutut isiginiarnissaat, taamaalillutalu aamma umiarsuarmik, silaannakkut aqqusinertigullu assartuussinerit ataqtigiissinnissaannut periarfissanik eqqarsaateqarnissarput pingaaruteqarpoq.

Inatsisartut 2015-imi ukiakkut ataatsimiinneranni mittarfinnut pilersaarummik aalajangersimasumik saqqummiussisinnaanissaq Naalakkersuisut sulissutigaaat. Tamanna anguniarlugu misissueqqissaarnernik, Inatsisartut paasissutissanik tunngaveqarlutik aalajangiisinnaanissaannut pisariaqartunik suliaqarnissamut suiassat aallarniutaasut Naalakkersuisunit aallartinneqarput.

Tamatuma peqatigisaanik Inatsisartut suliamut akuutinneqarnissaat Naalakkersuisunit kissaatigineqarpoq, taamaattumillu 2015-imi upernaap ingerlanerani Inatsisartut sanaartornermut ataatsimiititaliaata isumasioqtigiissinneqarnissaa, taamaalillunilu ataatsimiititaliap mittarfinnut aningaasaliinissamut pilersaarusionermi siusissukkut akuutinneqalernissaa Naalakkersuisut naatsorsuutigaat.

Nuna tamakkerlugu mittarfinnut attaveqaatit annertusarnissaanut aningaasaliisoqarnissaa Naalakkersuisunit anguniarneqarpoq, tak. matuma kinguliani takussutissiaq:

Mittarfik	Anguniagaq pingaarneq
Ittoqqortoormiit	Ingerlatsinermi annertuumik sipaagaqarnissap anguneqarnissaa.
Tasiilaq	Islandimiit takornariarfissatut periarfissat pitsaaneruumik atorluarneqarnissaat.
Qaqortoq	Innuttaasut angallanneqarnissamut pisariaqartitaannik naammassinninnissaq.
Nuuk	Angallasseriaatsinik pitsanngorsaanissaq.
Ilulissat	Qeqertarsuup Tunuani takornarianut periarfissarpassuit atorluarnissaat.

16. marts 2015

Sagsnr. 2015-112239

Dok. Nr. 1900031

Postboks 1160

Tlf: 34 50 00

Fax: 32 55 05

3900 Nuuk

Email: isan@nanoq.gl

www.naalakkersuisut.gl

Apeqqutinnut aalajangersimasorujussuarmut tunngatillugu Naalackersuisut ataatsimut isumaqarput, suliani ataasiakkaani misissueqqissaarnissat attuumassutillit suliarineqassasut, tamatumalu kingorna suliat inerneru ammasumik saqqummiunneqassasut, taamaalillutillu mittarfinnik sanaartugassat pillugit aalajangiiniarnermut ilaatinneqarsinnaasut.

Taamatut aallarniuteqarlunga matuma kinguliani apeqqutitit ima nipeqartut akissavakka:

1. Naalackersuisup uppersarsinnaavaa mittarfinnik sanaartorneq inuiaqatigiit aningaasaqarnerannut sunniuteqassanngivissoq? Taamaangippat qanoq sunniuteqassanngatinnerpat?

Sanaartugassat annerit soorunami tamatigit inuiaqatigiit aningaasaqarnerannut sunniuteqartussaapput, inuiaqatigiinni suliaassanik pilersitsiviususaagamik, taamaalillutillu suliffissanik, kaaviiartitanik taakkulu sunniutaannik pilersitsiviususaagamik. Pisortat aningaasaliissutaasa sunniutissaannut suliat angissusii, akii kiisalu aningaasalersueriaatsit toqqarneqartut apeqqutaassapput.

2. Qaqortumi mittarfissaq pillugu naalackersuisut suliaqartitsillutik? Rambøll-imut imaluunniit Niras allanulluunniit siunnersuisartunut nalunaarusiornissamik siunertaqartumik suliaqartitsillutik?

Naalackersuisut maannarpiaq Qaqortumi mittarfiliornissamut atatillugu suliaassanik entreprenørinut imaluunniit siunnersorteqarfinnut tunniussisimangillat. Qaqortumi mittarfiliornissamut sulianut piareersaataasunut atatillugu inuiaqatigiit aningaasaqarnerinut sunniutissanut aningaasallu ingerlaarnissaannut Rambøll misissueqqissaarnernik suliaqarnikuuvoq. Taakku saniatigit Inuplan sanatitsisut isummernissaannut tunngavissiamik suliaqarnikuulluni aammalu Grontmij Inuiaqatigiinni Nungusaataangitsumik Ingerlatsinissamut Naliliinermik suliaqarsimalluni.

3. Mittarfik sananeqarluni atuuttussanngussagaluarpat akilersinnaassuseq misissorneqarsimava?

Aap.

4. Qaqortumi Mittarfissaq angalasut akiliutaannut, pisortat kiffartuussinermut aningaasaliissutaannut kiisalu suliffissat amerlassusaannut minnerunngitsumillu inuiaqatigiit ataatsimut isigalugit akilersinnaassutsimik qanoq isikkulimmik nalunaarusiortoqarsimava?

Qaqortumi mittarfiliornissamut sulianut piareersaataasunut atatillugu Naalackersuisut Inuiaqatigiinni Nungusaataangitsumik Ingerlatsinissamut Naliliinermik aamma Aningaasat Ingerlaarnerinut Misissueqqissaarnermik suliaqartitsinikuupput.

5. Naalackersuisut Rambøll-ip imaluunniit Niras-ip allanulluunniit nalunaarusiaa imaluunniit misissuisimanager Inatsisartunut ilaasortanut saqqummiutissa-maarpaat? Taamaangippat sooq saqqummiunneqassanngila.

Qaqortup mittarfiani Inuiaqatigiinni Nungusaataanngitsumik Ingerlatsinissamut Naliliineq tamanut saqqummiunneqareerpoq, aammalu misissueqqissaarnerit sinneri nutserneqareerunik tamanut ammasumik saqqummiunneqassapput.

6. Qaqortumi mittarfissaq pillugu silamik misissuinerit qanoq ingerlanneqarpap?

Qaqortup mittarfissaanut mikkiartornermi pissutsinut tunngatillugu silaannaap aalaruluttarnera naatsorsorneqarnikuuvoq. Naatsorsuinerit Force Technology-mit, suliassaqarfimmi tassani siuttuusumit suliarineqarnikuupput. Taakku saniatigut ASIAQ mittarfiup inissiffissaatut siunnersuutigineqartumut silasiummik ikkussinikuulluni.

7. Trafikstyrelse Qaqortumi mittarfissamut tunngatillugu sulinermit ilaatinneqarpa?

Namminersorlutik Oqartussanit Angallannermit Aqutsisoqarfik ingerlaavartumik suleqatigineqarpoq, maannamuugallartorlu naammaginarunik matussuserneqarsinnaanngitsunik oqartussaasunit piunasaqartoqanngilaq.

8. Naalackersuisut ilumut eqqortumik oqaatigisinnaavaat uppersaataitalerlugulu Qaqortumi mittarfissaq inuiaqatigiinnut nunatsinni akilersinnaanerpaajusoq?

Aallarniinermit oqaatigineqartut Naalackersuisut isumaqarput, assartuussinermit attaveqaatit nunap iluani ataqatigiitsisutut isigineqassasut, sanaartugassatut immikkoortutut isigineqaratik. Tassalu Qaqortumi mittarfiliassamut tunngatillugu Qaqortumiinnaanngitsaq, kisiannili aamma nuna ataqatigiissillugu angallassinissamut pisariaqartit isiginiarneqarnissaat pingaaruteqarpoq. Kiisalu tamatumunnga aamma atatillugu inuiaqatigiinni tamanut pitsaanerpaamik assartuussinissaq anguniarlugu, Qaqortumi mittarfissaq assartueriaatsinut allanut qanoq iliorluni eqqarsaatigineqartunut ilanngunneqarsinnaanersoq isiginiassallugu pingaaruteqarpoq.

9. Qaqortumi mittarfissap nunatsinnut inuiaqatigiinnullu akilersinnaanerpaajunerarlugu naalackersuisooqatigiit oqartarnerat uppersarlugulu naalackersuisup akisussaasutut suut uppersaatigai?

Qaqortumi mittarfissap sananeqarnissaanut tunngatillugu pissutsinik misissuinermit Naalackersuisut ingerlataqarput, siusinnerusukkullu oqaatigineqartut taakku ataatsimut isiginnilluni ataqatigiissitsinerit annertunerusut ilaattut Naalackersuisunit isiginiarneqarput, tassanilu najukkani, nunap immikkoortuini nunallu iluani assartueriaatsit eqqarsaatigineqartussaapput. Tassalu Naalackersuisut silaannakkut angallassinermi sanaartugassanut pilersaarutaat anguniagaqarfiusoq suliassatut immikkoortutut tallimatut isineqassanngilaq, kisiannili nunap iluani angallassinineq ingerlatiinnarniarlugu assartuussisarnermi pissutsinik aningaasartuutinillu pitsaanerulersitsiniarluni pilersaarutitut ataatsimoortutut isigineqassalluni. Naalackersuisut mittarfiit pillugit pilersaarutertik Inatsisartut ukiakkut ataatsimiinneranni saqqummiuppasuk, tamanna pillugu pitsaasumik piviusorsioqartumillu oqallinnissaq Naalackersuisunit qilanaarineqarpoq.

10. Ilulissani mittarfiup allineqarneratigut, Kangerlussuarmilu mittarfik matullugu Nuuk-mi mittarfissualiornikkut aammalu Narsarsuup mittarfia matullugu

Qaortumi mittarfiliornissaq uppersakkamik kisitsitalerlugu takussutissiorlugit akilersinnaanerunerat naalackersuisup saqqummius-sinnaavai?

Naalackersuisut Kangerlussuarmi mittarfiup matunissaanik pilersaaruteqanngillat, kisiannili Kangerlussuarmi mittarfiup piginnarneqarneratigut sumiiffinni allani assartuussinermut attaveqaatinik ineriartortitsinissaq pinaveersaartinniannigilaat. Uppersaatsissanut, Ilulissani Nuummilu mittarfiit tallineqarnerini iluaqtissanik takutitsiviusunut tunngatillugu Assartuussineq pillugu Isumalioqatigiissitap isumasiliutissiissutaa innersuussutigissavara, tassani mittarfinnik marlunnik talliliinissaq inuiaqatigiit aningaasaqarnerat eqqarsaatigalugu imminut akilersinnaassasoq naliliiffigineqarmat.

Oqaatigineqareersutut Naalackersuisut mittarfinnik sanaartornerit ingerlanissaannut pilersaarummik saqqummiussipput, tassanilu allassimavoq, 2015-ip ingerlanerani Namminersorlutik Oqartussat uppersaatsissanik pisariaqartinneqartunik suliaqassasut, Inatsisartut 2015-imi ukiakkut ataatsimiinnerminni mittarfiit pillugit paasissutissanik tunngaveqarlutik aalajangiisinnaaniassammata.

11. Nunatsinni mittarfiit akilersinnaanerpaamik ingerlasut siulliit tallimat naalackersuisup akissuteqaammini takussutissiorsinnaavaat?

Aap.

Inussiarnersumik inuulluaqqusillunga

Knud Kristiansen